



LEKHOTLA LA TAOLO EA MOTLAKASE LE METSI LESOTHO

KOPO EA LENGOLO LA TUMELLO EA HO FEHLA MOTLAKASE KA LETSATSI EA NEO 1 (PTY) LTD HA RAMAROTHOLE

Lekhotla la Taolo ea Motlakase le Metsi Lesotho (LEWA), le ipapisitse le karolo ea 52 ea Molao oa 2002 oa Lekhotla la Taolo ea Motlakase (LEA) o hlomathisitsoeng, le fumane kopo ea K'hamphani ea NEO 1 SPV ea ho abeloa laksense (licence) ea ho fehla motlakase ka letsatsi, oa matla a 20MW Ha Ramarothole, seterekeng sa Mafeteng. Kopo ea NEO 1 SPV ke hore e fuoe nako ea lilemo tse 30 ho fehla motlakase ho tloha ka letsatsi leo laksense e fanoeng ka lona.

Phano ena ea lengolo la tumello e tla phethahatsa Leano la 'Muso la Matla lintlheng tsa ho eketsa mehloli e fapakaneng ea phehlo ea motlakase kahar'a Lesotho le ho khothalletsa bahoebi ba ikemetseng hore ba tsetele lefapheng la matla. Lekhotla le tla etsa qeto ea mapomelo mabapi le kopo ea NEO 1 SPV kamor'a ho seka-seka maikutlo ao sechaba se tla fana ka 'ona ho latela Molao oa 2002 oa Lekhotla la Taolo ea Motlakase (LEA) o hlomathisitsoeng.

Tsebetso ea NEO 1 SPV

NEO 1 SPV ke k'hamphani e ngolisitsoeng Lesotho, eo sepheo sa eona e leng ho aha setsi sa phehlo ea motlakase o fehloang ka letsatsi (solar photovoltaic - PV) sebakeng sa Ha Ramarothole, Mafeteng. NEO 1 SPV e bonts'itse e tla aha setsi se tla nts'a matla a 20MW a motlakase oa letsatsi. Setsi seo se lebelletsoe hore se qale ts'ebetso ka Phato monongoaha. Nakong eo se tla beng se le sehlohlolong sa tšebetso, setsi se tla ntsa motlakase oa bongata ba 5,678.8 MWh ka khoeli.

Khokelo tsa motlakase

Setsi sa NEO 1 SPV se tla hokeloa marang-rang a K'hamphani ea Lesotho ea Motlakase (LEC), setsing sa LEC sa motlakase (substation) oa boima ba 33kV se bolele ba likilomithara tse 1.2 se Ha Ramarothole.

Litefiso

NEO 1 SPV e kopa hore e lefise LEC Lisente tse 0.83 *uniting* ka nngoe ea motlakase (0.83M/kWh).

Moo Lintlha tsa kopo li ka fumanehang

Likopi tsa likopo li'a fumaneha liofising tsa LEWA le marang-rang ho www.lewa.org.ls hammoho le liofising tsa Babusi ba Litereke. Sechaba se kopuoa ho fana ka maikutlo a sona pele, kapa ka la **12 'Mesa 2021**. Maikutlo a ka romeloa ho mkabi@lewa.org.ls kapa a isoe liofising tsa LEWA mokatong oa bosupa, moahong oa Moposo, Kingsway Street, Maseru.